

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

In Die Sanctorum Pverorvm Innocentvm. Evangelivm Matth. Cap. II.

[urn:nbn:de:hbz:466:1-69317](https://nbn-resolving.de/urn:nbn:de:hbz:466:1-69317)

FESTIVALIA.

Quiq; super pectus Domini requieuerat ante,
Ultima paschalis caperent cum ferula cæne,
Inter eos quærens Domini quis proditor esset.
Hoc igitur uiso Petrus:uenerande Magister
Quid uero hic faciet,nobis qui proximus: inquit.
Rettulit hic illi Dominus:Si Petre manere
Hunc ego forte uelim,donec simul ipse reuertar,
Quid te sollicitat res hæc,uel cura fatigat?
Tu quod iussus agas,& me sine lite sequaris.
Exiit hic sermo fratres dispersi in omnes,
Discipulum fati subductum legibus istum
Tristia non unquam sensurum uulnera mortis.
Sed non ista fuit Christi sententia:tantum
Si redeam donec iubeam hunc remanere, quid ad te?
Dixerat: hoc falso sensu rapuere sodales,
Immunis tanquam remaneret morte Ioannes.
Atq; hic Discipulus, de quo iam diximus, ille est
Talia testificans uera qui uoce fatetur,
Istaq; mandauit scriptis,ut postera quondam
Turba legat, doceatq; suos meminisse nepotes.
Nouimus hunc isto testari uera libello,
Vnde piam laudem fidei nomenq; meretur.

IN DIE SANCTORVM PVERORVM INNOCENTVM.
EVANGELIVM MATTH. CAP. II.

O 2 ARGV-

EVANGELIA

ARGUMENTVM.

Heu miseri infantes pereunt Herodis ob iram,
Eripit his Natum sed Deus ipse suum.

Cum perfecta Magi iam post sua munera, rursum
In patrios fines solyma de gente redissent.
Prævia conuerso quos lumine stella reduxit:
Angelus ecce Dei per somnum apparuit Ioseph.
Auditusque fuit tales depromere uoces:
Surge celer, puerumque ferens matremque pudicam,
Ansuge Niliacas, sic re cogente, sub oras,
Exul ibi, iubeam dum te rediisse, manebis.
Nam ferus Herodes occulta fraude propinquat,
Ut puerum querat crudeli morte necandum.
Surge igitur sœuique dolis excede Tyranni.
Talibus auditis thalamo se fidus Ioseph
Erigit, & puerum capiens, puerique parentem,
Per medias noctis tenebras Bethlemitide parua
Egreditur, Niliisque nouas concedit in oras.
Accipit hospitio Dominum Memphitica tellus
Inscia, quæ quondam genus Israhelis habebat,
Vnde Dei uenturus erat post sæcula Natus:
Præficia sic casus uoluebant fata futuros.
Hic igitur mansit cum coniuge fidus Ioseph,
Dum caderet sœua sublatus morte Tyrannus.



FESTIVALIA.

Sic impleta fuit sacri prædictio Vatis,
Omnipotens cuius Pater hæc est ore locutus:
Aegypti Natum reducem tellure uocaui.
At postquam Herodes sensit se uoce Magorum
Deceptum, nec eos ad regia tecta reuerti,
Protinus ingentes irarum in pectore flamas
Concipit, in pueroq; ulcisci talia facta
Cogitat inuisum quem nomine Regis habebat.
Mittitur extemplo crudelis ab arce satelles
Plurimus, in paruamq; ruit Betlæmidos urbem,
Omnibus ense latus cinctum est, armataq; ferro
Dextera, qua peragunt sœui mandata Tyranni,
Vndiq; & infantes crudeli morte trucidant,
Quotquot ibi bimos, aut offendere minores.
Tum uero exoritur longè tristissima cædes
Aetatis teneræ quamvis ea criminis expers
Nondum aliquam uitæ potuit committere culpam.
Interit infelix primo sub flore iuuentus:
Flos uelut in campis duro succisus aratro.
Heu miseri infantes raptantur ab ubere matris,
Corpora transadigit quorum trepidantia mucro.
Quin etiam intereunt ipsorum ante ora parētum:
Nec licitum est cuiquam sœuis obſistere factis,
Omnia namq; tenet crudelis limima miles

O 3 Agmine

EVANGELIA

Agmine condenso nulli mutare potestas.
Iamq; sonat clamor matrum, gemitusq; cadentia
Moenia per totasq; domos, cunctasq; plateas.
Impium exquirit penetralia tecta satelles,
Extrahit & miseris diro clamore puellos:
Insequitur genitrix precibus precioq; fatigans
Immanes animos uerum non parcitur ulli,
Plusq; ualent Regis crudelia iussa Tyranni,
Quam nativus amor sobolis, pietas ue parens.
Nullaq; barbaricas flectit miseratione mentes.
Martia turba ruens tota bacchatur in urbe,
Crimibus arripiunt alios, medioq; secantes
Corpore dilaniant, alijs abscindere gaudent
Brachia correptos pedibusq; per aera mittunt:
Ceul lapidem iactat Balearica funda rotatum.
Occidit innocue spes & decus omne iuuent,
Sanguineiq; fluunt pa&sim per compitarii,
Corpora cesa iacent, & adhuc in uulnere palpant
Semineces membrorum artus: quis talia cernens
Temperet a lachrymis: facies tristissima rerum.
Nec misera tantum sœvitur in urbe nephantis
Militibus, circum positis in finibus errant
Vndiq; & infantes rapiunt, raptosq; trucidant:
Pars in frusta secant, gladijsq; trementia figunt
Corpo

FESTIVALIA.

Corpora pars medios lacerat, & brachia truncat,
Vulnere sic intra muros se uitur, & extra.
Talia mandarat fieri Rex impius, ira
Percitus ob natum iudeo sanguine Regem,
Perdere quem solum conatur in agmine tanto,
Vnum nec dubitat multorum in morte perire.
Sed nihil hoc mirum, proprijs qui parcere natis
Noluit, externe quid parceret ille iuuentus.
Hoc impleta modo Ieremia uerba Prophetas
Euentus habuere suos, qui talia dicit:
Montibus in Rhamam sonuit uox plena doloris.
Et lachrymae, & gemitus, muliebres atq; ululatus,
Funera nam Rachael natorum moesta suorum
Plangit, & assiduas iterat gemebunda querelas.
Vlla nec admittit tanti solatia luctus,
Quod perisse uidet miseros, nec posse reduci.
Ast ubi crudelis subiisset fata Tyrannus
Demissus Stygias miseranda morte sub undas,
Ecce iterum in somnis grandeuo apparet Ioseph
Angelus, Aegypti qui manserat exul in oris
Hactenus & monitis exciuit talibus ipsum:
Surge iterum, puerumq; sua cum matre reducens
In terram redreas patriam, quia fata tulerunt
Ilos, qui Domini querabant perdere Natum.

○ 4 Et

EVANGELIA

Et tamen in columnis mansit, pereuntibus illis.
Primus exurgit senior, somnoq; leuatus.
Accipit infantem tenerum, matremq; Mariam,
Mox iter ingressus post tempora certa dierum
Peruenit in terram Israhel ueteresq; penates,
Vnde profectus erat pridem tristissimus exul.
Hic uero Archelaum Iudea in gente Tyrannum
Audit ubi regnare sui post fata parentis,
Cura recens animum subiit, metuensq; pericli
Horruit in patriam tali sub rege reuerti,
Ne ueteres iras uitataq; damna nouaret.
Ergo iterum diuina uiro mandata feruntur
Per somnum, quibus auditis Galilaea subiuit
Moenia defessum, notaq; in gente resedit,
Antiquam repetens Nazarei nominis urbem,
Grata quies fuit ista seni post longa uiarum
Tedia, perpessosq; aliena in gente labores.
Atq; haec fata quidem, quod completerentur abunde,
De Christo ueteres que consumere Propheta:
Sedibus a patriis Nazarei nomen habebit.

IN DIE CONVERSIONIS PAVLI APOSTOLI.
EVANGELIVM MATTH. CAP. XIX.

ARGUMENTVM.

Præmia Discipulis promittit maxima Christus,
Ipsum præ mundo quod uoluere sequi.

pluri-

